



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitvlaria Regvm Francorvm

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

LIV. Privilegium Karoli Regis filij Ludovici Imperatoris pro monasterio  
Miciacensi.

**urn:nbn:de:hbz:466:1-22974**

ris nostri continetur, sub immunitatis nostræ defensione quieto ordine possidere & nostro fideliter parere imperio; quatinus congregationem ibidem Deo famulantem pro nobis & conjugē proleque nostrā vel pro stabilitate totius imperij nostri à Deo nobis concessi atque conservandi jugiter Domini misericordiam exorare delectet. Et ut hæc auctoritas nostris futurisque temporibus valeat inconvulsa manere, manu propria subter firmavimus, & anuli nostri impressione signari iussimus.

Signum Hlotharj piissimi Augusti.

Drutemirus Subdiaconus Protonotarius ad vicem \* Egilnari recognovi.

\* Agilnari

Datum pridie Nonas Februarij anno Christo propitio imperij Domni Hlotharj Pij Imperatoris x v. Indictione prima.

Actum Ollona palatio regio in Dei nomine feliciter. Amen.

## L I V.

*Privilegium Karoli Regis filij Ludovici Imperatoris pro monasterio Miciacensi.*

An. 840.  
Ex chartulario monasterij Miciacensis.

**I**N nomine sanctæ & individue Trinitatis, Karolus Dei gratia Rex. Notum igitur esse volumus omnibus sanctæ Dei Ecclesiæ nostris que fidelibus quia Petrus Miciacensis loci venerabilis Abbas dedit nobis præceptum Domni & genitoris nostri serenissimi Ludovici Augusti, in quo continetur quod idem genitor noster eidem religioso loco, qui est in honore sancti Maximini confessoris Christi, & vocatur Miciacis, tres naves per diversa imperij sui flumina pro necessitatibus ipsius Ecclesiæ & monachorum in eodem loco Deo ferventium discurrerent per ipsum suum præceptum confirmasset, & ab omni fiscali censu in sua elemosyna immunes fecisset, similiter & de cartis & de saugmariis memorati loci vel monachorum ibidem Deo famulantium, & de diversis negotiis quæ in villulis ipsius loci sunt, necnon & de omni commercio, undecunque fiscus teloneum exigere poterat, egisset. Nosram quoque clementiam idem venerabilis Petrus cum monachis suis suppliciter flagitavit ut patris nostri factum misericordiam opere plenum per hoc nostræ auctoritatis confirmarem præceptum. Cujus petitioni obanimatæ nostræ salutem libenter annuimus, & ad preceam ejus circa eundem locum hoc nostræ auctoritatis præceptum fieri decrevimus, per quod omnino jubemus atque præcipimus ut nemo fidelium nostrorum nec quilibet exactor judicariæ potestatis de cartis vel saugmariis seu in villis ejus super quibuslibet negotiis factis, vel etiam de quocunque alio commercio, undecunque jus fiscali teloneum exigere potest, illum teloneum accipere vel exigere præsumat. Naves verò tres, quæ sive per fluvium Ligeris sive per cetera flumina regni nostri ob utilitatem & necessitatem ipsius loci discurrunt, ad quascunque civitates, castella, aut portus, aut cetera loca accessum habuerint, nullus ex eis aut ab hominibus qui eas prævident ullum teloneum, aut ripaticum, aut pontaticum, aut portaticum, aut salutaticum, aut cespitanti-

cum, aut cœnaticum, aut laudaticum, aut tranaticum, aut pulveraticum, aut ullum occursum, vel ullum censum, vel ullam redibitionem, vel cetera quæ enumerari longum est accipere vel exigere audeat. Sed licitum sit absque ulla alicujus contrarietate illicita vel detentione per hanc nostram auctoritatem naves tres, & homines qui eas prævidere debent, cum iis quæ deferunt, per universum regnum nostrum liberè atque securè ire & redire. Et si aliquas moras in quolibet loco fecerint, aut aliquid mercati fuerint aut vendiderint, nihil ab eis prosums, ut dictum est, exigatur. Hæc igitur auctoritas ut plenior in Dei nomine obtineat vigorem, & à fidelibus nostris certis credatur & diligentius conferretur, annuli nostri impressione subter sigillari iussimus. Datum mense Octobris anno primo regnante Karolo Rege.

## L V.

*Præceptum Karoli Regis de dono facto Attoni fideli Regis quarundam rerum de dominio stirarum in comitatu Bajocensi, in pagello qui dicitur Orlingua Saxonica, id est, villa nostræ Herdra cum omnibus suis integritatibus.*

**I**N nomine sanctæ & individue Trinitatis, Karolus Dei gratia Rex. Regalis celsitudinis moris est fideles suos donis multiplicibus honorare atque sublimare. Proinde morem parentum Regum videlicet prædecessorum nostrorum sequentes, libuit celsitudini nostræ quendam fidelem nostrum Attonem nomine de quibusdam rebus nostræ proprietatis honorare atque in ejus juris potestatem liberalitatis nostræ gratia conferre. Idcirco noverit experientia atque industria omnium fidelium nostrorum tam presentium quam & futurorum quia concedimus eidem fideli nostro Attoni ad proprium quaedam res juris nostri sitas in comitatu Bajocasinse, in pagello qui dicitur Orlingua Saxonica, id est, villam nomine Heidram cum omnibus suis integritatibus & mancipiis utriusque sexus, quam Gundacher Comes avo nostro Karolo Imperatore per suam epistolam confirmavit habere. Et in altero loco in prædicto comitatu Bajocasinse, in villa nuncupata Ebereneio, quantumcumque suprataratus Gondacher Comes ibidem visus fuit habere, cum mancipiis ibidem commanentibus vel pertinentiis. Necnon & villa Funtanido, quantumcumque Goda femina inibi habere dinoscitur, & nostra videtur esse possessio, tam in mancipiis quam etiam & in aliis rebus. Supradictas res cum omni integritate vel eorum appendiciis memorato prædictoque fideli nostro Attoni ad proprium per hanc nostræ auctoritatis conscriptionem concessimus & de nostro jure in jus ac potestatem illius sollemni donatone transferimus, ita videlicet ut quicquid ab hodierna die & tempore exinde pro sua utilitate atque commoditate jure proprietario facere decreverit, liberam & firmissimam in omnibus habeat potestatem faciendi tam donandi quam vendendi vel etiam heredibus suis relinquendi. Et ut hujus cartæ largitionis

An. 841.  
Ex chartulario monasterij Follacensis.